

„პროლეტარიატის ბრძოლის“

ფ უ რ ც ე ლ ი

№ 14.

10 (23) ნოემბერი 1904 წ.

№ 14.

ბ ა ქ ო.

ბაქოში თერძების 600 კაცამდე იქნება. ყველა ესენი მუშაობენ სახელოსნოებში; დიდი სახელოსნოები აქ არ არის; საშუალო სახელოსნოები ათამდეა, მხოლოდ ხელოსნების უმეტესობა წვრილ სახელოსნოებში მუშაობს. საშუალო სახელოსნოები უკეთ არის მოწყობილი: ბინები შედარებით სრულია; ზოგან ელექტრონით განათებულიც შეგვხვდებათ და უთოების გასახურებლათ-კი ცალკე ბინებია; ამას მუშებისათვის დიდი მნიშვნელობა აქვს. სიწმინდის-კი რა მოგახსენოთ: მუდამ ტალახი და ნაგავი! სასანიტარო კომისიის ჯერ არც-კი შეუხდენია ამ ადგილებში. თუ წვრილ სახელოსნოებში, რომელიც „ხაზინების“ ბინებთან ერთად არის, გარეგნობით მეტი სიწმინდეა, სამაგიეროდ აქ მეტის-მეტი სივიწროვეა, შეხუთული ჰაერი, განათება ისე ცუდია, რომ მუშებს მხედველობა ეკარგებათ; თითქმის ყველგან ნარდათ ზუზაობენ. ექვსას კაცში მხოლოდ 50 კაცი იღებს დღიურ ქირას. ჰმის გამო სამუშაო დღე მეტად გრძელია. ამის მიზეზია ისიც, რომ სახელოსნოები სრულიად მოუწყობელია: მაგალითად უთოები ცოტაა და მუშა იძულებულია იცადოს, სანამ მეორე სამუშაოს გაათავებდეს. ასე ცოტაა მაშინებიც. გარდა იმისა, რომ ამით სამუშაო დღე გრძელდება, მუშებს შორის ხშირი უკმაყოფილებაა და ჯერაც ვერ შეუდგიათ, რომ ყველა ამის მიზეზი „ხაზინის“ გაუმძღვრობაა.

ქალის ტანისამოსების სახელოსნოებში იშვიათია თანაბარი შეფასება, რადგან მუშაობა ხშირად იცვლება; მამაკაცებისაში თითქმის ერთნაირია, მხოლოდ წელს ომის გამო (სამუშაოს შემცირება) ზოგიერთ სახელოსნოებში შეფასებამ ძალიან იკლო. ძალიან საზიანოა მუშებისათვის ის გარემოება, რომ მათ სამუშაოს დროებითი ხასიათი აქვს.

უმეტესობა სამუშევარს პოულობს მხოლოდ შემოდგომაზე და ზამთარში: პირველი სეზონი იწყება 1 ოქტომბრიდან და თავდება 25 დეკემბერს; მეორე იწყება მარტში და ქალების სახელოსნოებში თავდება სამების დღესასწაულებზე, მხოლოდ კაცებისაში ივლისამდე გრძელდება. ამ ხანებს შუა მუშები სამუშაოს ვერ შოულობენ და მშვიტ-მწყურვალე ცუდად დადიან! ამას სამუშაო დღის მეტ-ნაკლებობაზედაც გავლენა აქვს: მუშა-ხელოსანი, რომელიც ნარდათ არის გარიგებული, სეზონის შემდეგ ხანგრძლივი სიმშვილეში გაწვალებული, დაეძგერება ხოლმე დახარბებით სამუშაოს და ორიოდ ზედ-მეტი გროშის ასაღებათ არ იზოგავს თავის ჯანმრთელობას! ამას კიდევ ზედ დაურთეთ საჩქარო „ზაკაზები“, როცა მოუთმენელი ვაჭრატონი უჩქარის სამუშაოს გათავებას, მხოლოდ „ხაზინი“ მუშტარის გულის მოსაგებათ მთელი დღე-ღამე წელს არ ამართვინებს თავის მუშებს და ბევრ წარმოგიდგებათ საოცარი სურათი!

საზოგადოთ თერძები კულტურულათ ნაკლებ განვითარებული არიან. მამაკაცებში ეს ნაკლი უფრო შესამჩნევია. აუტანელი შრომა, ხანგრძლივი უსაქმობა, სიმშვილი თავისებურებებს ასევე მათ ტანჯულ ცხოვრებას, რომლის შესამსუბუქებლათ

ერთათ-ერთი საშუალება მიუკვლევიან — არაყი... ქალები ცოტა უფრო შეგნებული არიან. აქ უმეტესათ სომხებია. სამწუხაროდ ჩვენი სოციალ-დემოკრატიული აგიტაცია ბევრ დაბრკოლებას ხვდება ამ წრეში, რადგან სომხების სხვა-და-სხვა ნაციონალური ფრაქციები მოქმედებენ...

ამ უკანასკნელ ხანებში ორი გაფიცვა მოხდა: „პარიჟის მაღაზიაში“ და „ექსელანსთან“. კომიტეტმა სამწუხაროდ ვერ შეძლო ამ საქმეში ჩარევა და მისი სააგიტაციოთ გამოყენება. ამნაირათ გაფიცვა სტიქიური იყო...

◆ ბაქოს სტამბებში სამუშაო დღე საშუალოთ 10 ნახევარ საათს გრძელდება. ხშირათ ზედმეტ დროს, დამ-დამოებითაც ამუშავენ და სამაგიეროდ მეტათ მცირე სამუშაო ქირას აძლევენ. ზოგიერთ სტამბებში დანიშნულ ვალზე მეტ მუშაობას პირდაპირ იძულებენ და თუ მუშას არ უნდა მუშაობა დაუყონებლივ უსწორებენ ანგარიშს.

ბინები ვიწროა, ბინძური და უსინათლო. ცუდი განათებისაგან ასოთ-ამწყობებს თვალები უფუჭდებათ. ვენტილაციის ნასახიც არ მოიპოვება და ტყვიის მტვერი ფილტვებს უზიანებს მუშებს და ადრეულათ ხდის ქლექის მსხვერპლათ.

◆ ნამეტან ცუდ მდგომარეობაში იმყოფებიან კოლოფებისა და ყდის საკეთებელ სახელოსნოებში მუშები. აქ ექსპლოატაციის საზღვარი არ უდევს. ბინები ნოტიო სარდაფებში აქვთ. საწარმოვო იარაღები ადამის დროის არის — ხელით სამუშაო. უკანასკნელი გარემოება მსხვილ წარმოებასთან კონკურენციას შეუძლებლათ ყოფს და ამიტომ „ხაზინები“ საჭირო წვენი გამოდენას მარტოოდენ მუშადან ცდილობენ: სამუშაო დღე მეტათ დიდია, სამუშაო ქირა ძალიან მცირე.

სამუშაო ქირა მსხვილ სახელოსნოებში 35—40 მან. თვეში, წვრილში ბევრათ ნაკლები. მუშებს მეტათ უდიერათ ეპყრობიან.

არა-ლეგალურ ლიტერატურას გატაცებით ეწაფებიან. ახლა ძალიან აინტერესებთ პროკლამაციები ომის შესახებ, რადგან ყველა ამბობს, რომ „გაზეთის ტელეგრაფებში სულ სიცრუეს სწერენ, ესენი (ე. ი. სოციალისტები) ყოველთვის მართალს ამბობენ“. უმეტესობა ომის წინააღმდეგია.

◆ ამას წინეთ ასეთი წვრილობანი, მაგრამ საყურადღებო შემთხვევა იყო: ქალაქში გააკრეს პროკლამაცია „საღდათებს“. „შორეულ-აღმოსავლეთში იარაღის რაჩუნია“... ქვეშ აწერია: ბაქოს კომიტეტი... ერთი ამბობს: „გადავადლოთ, აღკრძალულია“!.. მეორე უპასუხებს: „სახლში წავიკითხოთო! აღბათ რამე საინტერესო იქნებაო“!.. ამ სიტყვებით ჩაიღვა ჩიბეში პროკლამაცია.

ბიზი-მიზათი. მუხტაროვის სარეწავი. მეტათ მცირე სამუშაო ქირა და გრძელი სამუშაო დღე (14—15 საათი). არც ნახშირი, არც ნავთი მუშებს არ ეძლევათ; გარდა ამისა, საზიზროთ ექცევიან მუშების ცოლებს, დედებს, ქალიშვილებს! ქალები მოდიან ეზოში წყლისათვის, აქ მათ ხვდებიან კარის მკველები და შეურაცყოფას აყენებენ. არა ერთხელ მიმართეს მუშებმა „ხაზინს“ ასეთი საქციელის შესახებ, მაგრამ „ხაზინმა“ ხან ჩიფუჩიება მოინდომა და ლაზღანდარობით უპასუხებ-

და. ბოლოს მუშებმა ველარ მოითმინეს ასეთი თავგასულობა და გაიფიცენ, მოითხოვეს ზრდილობიანი მოპყრობა, ნათისა და ნახშირის მოცემა. მესამე დღეს, „ხაზინმა“ თავი ისე მოიკატუნა, თითქო ყველაფერზე თანახმა იყო და მუშაობაც დაიწყო. ნამდვილათ კი სულ სხვა მოხდა. „ხაზინმა“ არც ერთი მოთხოვნა არ დააკმაყოფილა და თანვე ერთი მუშაც გამოავლო. მუშები ხელ-შეორეთ გაიფიცენ და წინანდელ მოთხოვნებს ახალი დღურთეს: გაგდებული ამხანაგის დაბრუნება. ამ ამბავმა ზავოდში დაუყოვნებლივ კახაკები გააჩინა; მობრძანდნ პოლიცემისტები და ინჟინერი მარკოვსკი. ამ ვაჟბატონმა ქადაგება დაუწყო მუშებს და უმტკიცებდა, რომ „ხაზინს“ უფლება აქვს მუშა დაითხოვოს... მუშებმა გაფიცვა წააგეს.

თეთრი ძალაჰი. „აღმოსავლეთის საზოგადოება“. შარშანდელი გაფიცვების წყალობით მუშებისთვის სამუშაო ქირა თვეში ორჯერ უნდა ეძლიათ. მაგრამ ეს პირობა გულ-უბრყვილო „ხაზინებს“ დავიწყნათ და ხშირათ სამუშაო ქირას იძლევიან თვე-ნახევარში ერთხელ!

ნოემბრის პარხანა. 2 ნოემბერს მექანიკმა ტაუსონმა სამუშაოდან ერთი მუშა დაითხოვა; ეს მუშა ამას წინათ საავთმყოფოდან გამოვიდა, სადაც ერთი თვე დაყო (ფეხი იტყინა). მექანიკმა მიზეზათ ის მოიყვანა, რომ, როგორც მასტერი კვანციკოვი ამბობს (რასაკვირველია სიცრუეს), ეს მუშა საავთმყოფოში როდი წოლილა, არამედ ბლახანაში მუშაობდა...

მანქანის განყოფილების გამგე სოკოლოვმა, როგორც-კი მიიღო ეს თანამდებობა, ისარგებლა იმით, ბევრი მუშები ცუდათ დადიოდნ და „კაჟე-გარებს“ თვიური ქირა 25-დან 18-დღე დაუკლო. ვინც წინააღმდეგობას გამოიჩენს დაუყოვნებლივ დაითხოვს და მის მაგიერ ახლებს 18 მან. ქირაობს; მხოლოდ კანტორა თავს იკატუნებს, მე აქ არაფერ შუაში ვარ, ეს თვით კაჟეგრების სურვილით ხდება და მოწყალებასავით ორ მანეთს უმატებს.

ძალაჰის რაიონი. ბლაგოობრაზოვის მრდის მაღაზია. ქალბატონი ბლაგოობრაზოვისა, როგორც ეტყობა ძალიან მოხერხებული ადამიანია და ზედმეტ ხარჯს არ ერიდება, თუ-კი ეს ხარჯი მას საშუალებას მისცემს მეტი შემოსავალი გამოაღებინოს თავის მუშა-ქალებს. ის ხშირათ მიეჭზავრება მოსკოვისაკენ ხელოსანთა ქალების დასაქირავებლათ. რასაკვირველია, უცხო ქალაქში, ნაცნობ-ნათესავებს მოშორებული მუშა-ქალი კანკალებს სამუშაო არ დაეკარგოს. ამასთანავე პირობაში უწერია ჯარიმა 100 მანეთი (!) პირობის დარღვევ სათვის.

სახელოსნოში ამნაირი წეს-რიგია: სასაიდლოთ ისე ცოტა დრო აქვთ მუშა-ქალებს, რომ ქამასაც ვერ ასწრებენ ხეირიანათ. პირობით მათ უნდა იმუშავონ 7-დან 9 საათამდე, მხოლოდ სადღესასწაულოთ და როცა საჩქარო სამუშაოა 12-მდე ხან ორ საათამდე ამუშავებენ. მოპყრობით მეტად ცუდათ ეპყრობიან. ერთმა ხელოსანმა-ქალმა ვერ მოიცილა მუშაობისაგან და რაღაცების სასყიდლათ მაღაზიაში თავის მაგიერ შეგირდი ქალი გაგზავნა. „ხაზიკამ“ გაიგო თუ არა ეს, დაუყოვნებლივ უბრჩანა „პრიკაზნიკს“ ანგარიში გაესწორებიათ ამ მუშებისათვის, წაეყვანა სადგურზე, ეყიდა ბილეთი და მოსკოვში გაესტუმრებიათ. (მოსკოვიდან ჩამოსულები ასეთი პირობით ეკვრიან).

შარშან მუშა-ქალებმა ველარ აიტანეს ამდენი შრომა ზაფხულის პაზანაქება სიცხეში და გადასწყვიტეს სამუშაო დღის შემოკლება ერთი საათით. მაგრამ მუშაობას ისე დაეტუქსა ისინი, რომ არა თუ შედგრათ ვერ დაიცვეს თავისი გადაწყვეტილება, ამხანაგ ქალსაც-კი არ დაუქირეს მხარი, როცა მან გაბედულათ ყველას მაგიერ საერთო მოთხოვნა

წარუდგინა „ხაზიკას“ და როცა ამ გაბედულ ქალს გინება დაუწყეს; პრიკაზნიკმა „ქალბატონის“ ბრძანებით უთოს რტყმევით გამოავლო ქუჩაზე, მხოლოდ ერთი გამოდგა თავ-განწირული, მხოლოდ ერთმა ამოიღო ხმა, ერთმა სასტიკათ გაკიჭა დანარჩენი ამხანაგების საქციელი; ისიც მალე მიაყოლეს მის ამხანაგს. საქმე ამით არ გათავდა. შეურაცხყოფილმა ქალმა საქმე სასამართლომდ მიიყვანა, სადაც მისი ამხანაგები მის წინააღმდეგ ცრუ-მოწმობასაც-კი ეწვოდნ! ნუ თუ ყველა ეს ადამიანები ზენებით ცუდი, გაუსწორებელი ხალხი? არა! ზავშობს-თვე აუტანელი შრომით დატუქსული, განა მთელ თავის სიცოცხლეს მონობაში არ ატარებენ! დაე, ჩვენმა თავისუფალმა სიტყვამ, ჩვენმა მოწოდებამ გააღვიძოს მათში მონობასთან ბრძოლის სურვილი!

მოგვყავს ნაწყვეტი ერთი მეკრავი ქალის ღია წერილიდან, რომლითაც მან „ბაქოს მეკრავ ქალებს“ მიმართა: „დროა, ამხანაგებო, გავიღვიძოთ და ირგვლივ მივიხედ-მოვიხედოთ! დროა შევიგნოთ ჩვენი აუტანელი მდგომარეობა, დროა გამოვარკვიოთ ეს მდგომარეობა. დიდიდან საღამომდე წელ გაუქრათავათ გმუშაობთ; ვერც ადამიანს, ვერც სინათლეს ჩვენ ვერ ვხედავთ და თანვე ათასგვარ წვალებას, შეურაცხყოფას ვიტანთ. სამაგიეროთ ვიღებთ ორიოდ გროშს, რომლითაც ადამიანური ცხოვრება შეუძლებელია. ბევრი ჩვენგანი „ხაზიკასთან“ ცხოვრობს. თითო ოთახში 5-6 ქალი; ჰაერი მოწამლულია, ერთმანეთს მოსვენებას არ ვაძლევთ; არ შეგვიძლია ხეირიანათ დასვენება, ვერ წავგივითხავს ვერაფერი, ვერსად ჰხედებით სხვა ჩვენ ამხანაგებს, რომ ერთად თავი მოვიყაროთ და საერთო სიქმეზე ერთად მოვილაპარაკოთ. ზოგი ჩვენგანი ისე შეეჩვია ამას, რომ ველარ-კი გრძნობს ამ საოცარ მდგომარეობას; როცა მათ თავისუფალი დრო მოეპოვებათ გაბედულ და შეგნებულ ამხანაგებს გაუბრძანა“.

31 ოქტომბერს ბიბიეიბლდის რაიონულმა კომიტეტმა მილოვისა და ტაიროვის მუშების მიმართ პროკლამაცია გამოსცა. მოთხოვნებიანი შემდეგია: 1) ვადაზე მეტი მუშაობის მოსპობა; 2) ზრდილობიანი მოპყრობა; 3) მმართველი ნაზარიანის დათხოვნა; 4) მუშებისათვის აბანოს აგება, მანამ-კი აბანოსთვის ფულის ძლევა; 5) სრული, ნათელი და წმინდა ბინები და ფიცრების მაგიერ რიგიანი ლოგინების დადგმა.

4 ნოემბერს ამბავი მოვიდა უკვე, რომ მუშები დააკმაყოფილეს გარდა ერთისა ყველაფერში: მმართველი არ დაუთხოვიათ *).

4 ნოემბერს „შავი ქალაქის“ რაიონის კომიტეტმა გამოსცა პროკლამაცია ზავოლი „ველ-კანის“ მუშების მიმართ; ამ ზავოლში აგერ ერთი თვეა სამუშაო ქირას არ აძლევენ მუშებს. ფურცელი იწვევს მუშებს ერთათ, გაბედულათ მოითხოვონ ხვედრი ფული.

აი რა მტანჯველ პირობებში ცხოვრებენ ბაქოს მუშები! აი რა ძნელია მცირედენი რისიმე მოპოვება-კი მუშებისთვის და რა ადვილია იმის დაკარგვა, რაც მოუპოვებიათ! ნუ დაივიწყებთ, რომ ასეთ შარშანდელ შესანიშნავ საერთო გაფიცვას ერთი წლის შემდეგ, როცა ბაქოს მუშებმა იმდენი სიძლიერე და გაბედულება გამოიჩინეს! იმ გაფიცვის შემდეგ, რომელმაც მრავალი ადამიანი იმსხვერ-

*) მილოვისა და ტაიროვის მუშების მიმართ გამოცემული პროკლამაციის გავლენით, მანტაშევმა ბიბიეიბაბაში საჩქაროთ დაუთმო მუშებს: ბინის 10 მანეთამდე ასწია და აბანოსთვის თითო კაცზე 50 კაპ. იძლევა თვეში.

პლა. რამდენი იმედი აღძრა ამ გაფიცვამ! რა იქნა ყველაფერი ეს? რა უფსკრულში ჩაცვიდა ეს იმედები, გამარჯვების მცირეოდენი ნაყოფი-კი! ამ უფსკრულს სახელათ ქვია—**უფუფიშობა**. მუშას არა აქვს უფლება შეატანიოს კანონმდებელს კანონის წიგნში ის, რაც ბრძოლით მოუპოვებია; მას არა აქვს უფლება სასამართლოს ძალით აიძულოს „ხაზინი“ ამნაირი კანონის შესრულება; არ შეუძლიათ მუშებს კავშირები მოაწყონ თავისი ინტერესების დასაცველათ, კაპიტალისთან საბრძოლველათ. არა აქვთ უფლება სიტყვიერათ, გაზეთის და წიგნების საშუალებით გამოამჟღავნონ ყოველგვარი ძალმომრეობა, დაგმონ უსამართლობა და ბოროტება.

კიდევ რომ ქონდეთ მუშებს ეს უფლებები, კიდევ რომ იყოს ყველაფერის ჩაწერილი კანონის წიგნში, ვინ უნდა დაიცვას, ეს უფლებები, ეს კანონები? არცინ. დღევანდელი მთავრობა, მეფის თვითმპყრობელობა, ეს ათას-თავიანი „ოკოლოდოჩნი ნაღზირატელი“ სწორედ მიტომ არსებობს ქვეყნათ, რომ ყოველგვარი უფლება გაქელოს, ყოველივე კანონი არღვეოს თუ მის და მის დამკავშებს ეჭირვებათ. მისათვის რომ რუსეთის ქალაქის პროლეტარიატს, ბოვანო სოფლის ხალხს და მცხოვრებლების, ყველა ღზავრულ ნაწილებს შეძლოთ გაიუმჯობესონ თავის ქონებრივი და გონებრივი მდგომარეობა, საჭიროა უპირველეს ყოვლისა, რომ მთელი ხალხი იქნეს სახელწიფს გამგე—პატრონი; ის უნდა ირჩევდეს თავის წარმომადგენლებს და გზავნიდეს პარლამენტში, სადაც გამოსცემენ ხალხისათვის საჭირო კანონებს; ეს წარმომადგენლები ადევნებენ თვალყურს ამ კანონების სისრულეში მოყვანას. მხოლოდ იმიტომ, რომ ასეთი პარლამენტი მართლა მთელი ხალხის წარმომადგენელი თანჩეს, საჭიროა საყოველთაო, პირდაპირი და თანასწორი ამომრჩეველობითი უფლება; საჭიროა რომ ეს არჩევნები დაფარული კენჭის ყრით ხდებოდეს (იხ. ამის შესახებ „პ.ბ. ფურცლის მე-8 №.)

ამნაირათ, მხოლოდ თავისუფალ სახელმწიფოში შეეძლება მუშაობის ბრძოლის ნაყოფიერათ თავის ყოფა-ცხოვრების გასაუმჯობესებლათ! ესლა ჩვენთვის ცხადია, თუ რატომ არის რომ ბაქოში და სხვაგან რუსეთში, ასე ძნელია ეს ბრძოლა! ეს სიძნელე მაინც არ უნდა გვაჩერებდეს ჩვენ...

ჩვენში პროფესიონალური მუშათა კავშირები, რომელიც დასავლეთ ევროპაში ამ ბრძოლას ხელმძღვანელობენ, არაა და მთელი ეს მოვალეობა ჩვენი პარტიის კომიტეტებს აწვეთ კისერზე; ეს კომიტეტები-კი უმთავრესათ უფრო დიად საქმეს უნდა აკეთებდენ მხოლოდ; ეს საქმეა შეგნებული პროლეტარიატის სოციალ-დემოკრატიული დროშის ქვეშ თავის მოყრა. მით უფრო საჭიროა ესლა ეს, რომ რუსეთი დიდი ცვლილებების მოლოდინშია. ამ ცვლილებათა მოხდენაში პროლეტარიატმა უნდა მიიღოს შეგნებული და თვალ-საჩინო მონაწილეობა. ეს მას შეუძლია მხოლოდ მით, რომ შექმნას ძლიერი პოლიტიკური პარტია ე. ი. სოციალდემოკრატიული პარტია.

ამ აზრით რომ ვიხელმძღვანელოთ და დღევანდელ მუშების ბრძოლას კაპიტალისტებთან შეეხედოთ, უნდა აღვიაროთ, რომ ცდებიან ისინი, ვინც ამ ჟამათ მუშებს საყოველთაო გაფიცვაზე იწვევენ. ჩვენი პარტიული ორგანიზაცია, ჩვენი ბაქოს კომიტეტი, როგორც ყოველი სხვა კომიტეტი, რომელიც უნდა ხელმძღვანელობდეს ასეთ გაფიცვას, ვერ შესძლებს ამის შესრულებას. რამდენი ქარხნები, ზავადები, სახელოსნოები ბაქოში! ყველგან თავისებური პირობებია მუშაობის, ყველგან სხვა-და-სხვანაირი საჭიროება! მართა პროკლამაციები რამდენი საჭიროა საქმის რიგთანათ მოსაგვარებ-

ლათ! გაფიცულების შეერთება, თვალ-ყურის დევნება, რომ არავინ უღალატოს, და სხ.-და-სხ.; ამას ასობით სჭირია დახელოვნებული და მცოდნე კაცები. ასეთი საქმის შესრულება ჯერ არ ძალუძს ჩვენი პარტიის არც ერთ კომიტეტს!

გ ა თ უ მ ი.

ჯარიდან. ჯარი შეინძრა, იგრძნო, რომ სალდათის ფარჯამიც ის უნდა აღმამაურ ცხოვრებას ეძებდეს და ასეთ ცხოვრებისათვის იბრძოდეს. სალდათის ცხოვრება დახუთულ კაზარმებში რომ დაუსრულებელი და უსაშინელესი ტანჯვა-წვალებაა, ეს ყველასათვის თვალ-საჩინოა. აქ ყველს უფროსი შენი უსაზღვრო ბატონ-მპრძანებელია, ყველა უნცროსი ყურ-მოჭრილი, უენო პირუტყვია, მანქანა, რომელსაც ხელში თოფი აქვს მიცემული, რომ ესროლოს ძმას, მამას, დედას, მეგობარ-ნათესავს, ერთი სიტყვით ყველას, ვიზედაც უჩვენებენ და სადაც უჩვენებენ. დიახ, ის ვეგებერთელა მანქანაა, რომელიც თვითმპყრობელობის რკინის ბრკელებს წარმოადგენს და ხალხზე მის ბატონობას აძლიერებს. ყველასათვის აშკარაა, რომ რუსეთის თვითმპყრობელობამ დიდი ხანია მოქაშა თავის დრო, რომ ის დღეს რუსეთის თითქმის ყველა კლასებისათვის მხოლოდ ზედ-მეტი ბარგია, მხოლოდ ზარალის მომტანია, ხორც-მეტია, მარა ის მაინც ძლიერია და ეს სიძლიერე ხიშტების სიძლიერეა!.. თვითმპყრობელობა ერთიანათ სალდათების ხიშტებზე და მყარებული და როცა ეს ხიშტები მის წინააღმდეგ მოიმათება, მისი ბატონობაც გაქრება, როგორც შარშანდელი თოვლი. რომ ეს დრო შორს აღარაა, ამის ნიშნებს თვით სალდათების ცხოვრების ზოგიერთი მოვლენები გვიმომწმენ. სალდათები დიდი ხანია ხარბათ ეწაფებიან რევოლუციონურ ლიტერატურას, და ახლა მათში აქტიური პროტესტიც დაიბადა. აი ორი ასეთი შემთხვევა. პარველო. ერთი ნაპირის ბატარეაზე ოთხი ფუ ხუთი წლის ტანჯვა-წამება დაასრულეს 100-მდე სალდათმა: რუსმა, ქართველმა, სომეხმა და სხვ. და აი ახლა, როცა დადგა ის სანატრელი დრო, რომელსაც მოუთმენლათ, გულის ფანტკალით მოელოდენ ამდენი ხნის განმავლობაში, მათ მოულოდნელათ გამოუცხადეს: კიდევ უნდა დარჩეთ, რადგან მანჯურიაში ჩვენ მეფეს ჯარი კალიასავით უწყდება და თქვენც სჭირდებათო. სალდათები გული მოსწყდა. სისხლი მოადგა ყელში! განა შეიძლება ამის ატანა?! მათ დამწვარს გულზე ამ სიტყვებით მღულარე გადასხეს და რომელი გული აიტანდა ასეთ დანაგვრას?! სალდათების მოთმინებასაც ბოლო მოელო და მათ გადასწყვიტეს, ეჩვენებინათ მთავრობისათვის, რომ მათაც შეუძლიათ თავის თავის გაძლოლა, და ასეთ ყოველ ზომას გადაცილებულ უსამართლობისაგან თავის დასხნა. მათ მტკიცეთ გადაწყვიტეს კაზარმის ტყვეობიდან თავი დაეხწიათ და ერთი კვირის თაობირისა და რჩევის შემდეგ კიდევ შეუდგენ საქმეს ერთ მშვენიერ დღეს მოხსნეს ყარაულები, აივლიჯეს ბეჭებზე პავონები, დაყარეს თოფ-იარაღი და მოითხოვეს: ან გავგიშვით ნებით, ან ძალით წავალოთ. შეფუტსუნდენ ჯარის უფროსები, მარა რა უნდა ექნათ? რა ღრწე უნდა ეხმარა? რა ძალით უნდა დამორჩილებიათ „აბუნტებული“ სალდათები? აქამდი ხალხის მღელვარებას და თავისუფლებისათვის მებრძოლთა პროტესტებს სალდათის ხიშტებით აჩუმებდენ, ეს იყო მათი უკანასკნელი საფარი და სიმაგრე. ახლა-კი ეს საფარი ხაფანგათ გადაექცათ და... და მათ მეტი გზა რა დარჩენოდათ, უნდა დათანხმებულიყვნენ. საქმის გახმაურებას, ჩაუეჩენება არჩიეს და სალდათებამშვიდობიანათ გაისტუმრეს თავ-თავიანთ სახლებში!

არ გასულა ამის შემდეგ ორი კვირა, რომ მეორეგან იზინა თავი ჯარში პროტესტმა, ახლა არადაგანის პოლკში. ომიანობამ და ომის მოლოდინმა ლამის ზაფრის ქარები გაუჩინოს ბათუმის აღმინის-ტრაცის. ყველგან „წყველი“ იაპონია ელანდებოთ თხებივით დამფრთხალ თვითმპყრობელობის ქოფაკებს. და ამისთვის ჯარს დააწვა კისერზე ორკეცი შრომა, რის გამო მისი მწარე ცხოვრება აუტანელი შეიქნა. ღამე ყარაულში ყოფნა, დღე „უჩინაზე“ სიარული ე. ი. 24 საათის განმავლობაში დაუსვენებელი ჯაფა—აი რა უნდა აეტანათ სალდათებს. ამას ისიც დაუმატეთ, რომ ჩვეულები-სამებრ სალდათებს ხვედრ ფულს, რომელიც მათ გამოკვებაზე უნდა იხარჯებოდეს, ყველა დიდი და პატარა მოხელეები უსირცხვილოთ აგლეჯენ თავისთვის გემრიელ ლუქას. საკმელი, რაც მოდიოდა, ისიც უყარვის და ცუდათ მომზადებული. სალდათებმა ვეღარ აიტანეს ამდენი გაჭირვება: ერთი დიდი განცხადება (ზაიაელენი) გაუგზავნეს თავიანთ უფროსს, რომ მას ყურადღება მიექცია სალდათების მდგომარეობაზე და „მეფის და მამულის“ დასაცვლათ შობილებს და ნათესავებს მოწყვეტილი სალდათები ყაზარმებში შიმშილით და უზომო ჯაფით არ ამოეწყვიტა. „თორემო, სწერდენ ისინი, ყველაფრის ამტანი სალდათის მოთმინებასაც ექნება საზღვარიო. ჩვენ ვიცით, ვისთვის გვახზობენ დახუთულ და აყროლებულ ყაზარმებში, რომ ეს ხალხის, ჩვენი ძმების სასარგებლოთ არ ხდებაო. თუ ერთკვირაში არ დაგვაკმაყოფილებთ, იძულებული ვიქნებით, საკირო ღონისძიებას მივმართოთ და ჩვენ თავს თვითონვე ვუპატრონოთო“... „მოთხოვნილებები შემდეგი იყო: 1) ან ყარაულში გაყვანა, ან „უჩინაზე“, და არა ორივე ერთსა და იმავე დროს, როგორც აქამდის იყო. 2) არ უნდა იპარავდნენ ხაზინიდან გამოცემულ ფულს და სასმელ-საკმელი რიგიანი და საკმაო უნდა გვეძლეოდესო“. სამ დღეში ყველა მოთხოვნილებები ხმის ამოუღებლივ დაკმაყოფილებულ იქნა. ამნაირათ სალდათი ნელ-ნელა ახწვეს თავს სალათას ძილს, ხედავს, რომ სხვის ხელში მანქანათ ყოფნა არ ვარგა და პროტესტის გზაზე გამოდის! ის უკვე ცდილობს თავის ბრძოლით, თავის ძილ-ღონით ოდნავ მაინც შეიმსუბუქოს თავის გამწარებული ცხოვრება და დაიფაროს თავი ყოველი გარყნილი უფროსის თვითნებობისაგან. მაშ, გაუმარჯოს გამოღვიძებულ სალდათობას, გაუმარჯოს მათ პროტესტს, მათ შეგნებას! „გაიღვიძე დაჩაგრული მხედრობავე, შენს ხელშია მთელი ქვეყნის ბედიო“! გაიღვიძე, შეხედე შენს მოსისხლე მტერს, და მილენ-მოლენ შენ მოძმეთა სისხლით შესერილი მეფის ტახტი! სამუდამოთ დაუდუმე ბილწი ენა, რომელიც მეგრძოლ მოძმეთა წმინდა სისხლის დათხევას გიბრძანებს. მთელი გღვიძებული მშრომელი ხალხი ძმურათ გიწვდის ხელს, შენც მიე ხელი, იმე და ეძე, რომ შეერთებული ძალით შემუსროს საერთო მტერი. ძირს თვითმპყრობელი მეფე! ძირს ომიანობა! გაუმარჯოს ხალხს და რევოლუციას!..

გ უ რ ი ა.

გუბერნატორი ოზურგეთის მაზრაში.

ოქტომბრის შუა-რიცხვებში მთელი ხროვა სტრატონიკებით გარშემორტყმულმა ქუთაისის გუბერნატორმა სმაგინმა დიდი ამბით შამოიარა ოზურგეთის მაზრა. „ჩემი სურვილია“, ეუბნებოდა ის ხალხს, „შევიტყო თქვენი გაჭირვება და დალხინება, რომ შეძლებისამებრ დახმარება აღმოგიჩინოთო“! ტკბილი სიტყვებით, რჩევით და დარიგებით მას უნდოდა მოეგო ხალხის გული და ისე აეცუნ-

დრუკებინა თავის ნებაზე, როგორც ახალმა მინისტრმა/სეიატოპოლ-მირსკიმ ააქცილია რუსეთის ლიბერალები... მას უნდოდა მისი მოგზაურობა თვითმპყრობელობის ტრიუმფით გადაქცეულიყო, მარა... მარა ჩვეულებრივ უმტყუნა ბედმა და ახლა ალბათ, იმ დღესა და საათს წყევლის, როცა ოზურგეთის მაზრაში წასვლა აზრათ მოუვიდა. ან-კი როგორ არ სწყევლის, როცა ის, მთელი გუბერნიის მფლობელი და მბრძანებელი, უბრალო ხალხმა გუშინდელმა მონამ აბუჩათ აივლო, და რიგიანი პასუხის ღირსიდაც არ გახდა. მრულ მის მოგზაურობის დასასასიათებლოთ საკმარისი იქნება ავწეროთ ერთი საზოგადოების ამბავი. ავიღოთ ჩოხატაური. აი ქუდ-მოვლე-ჯილი მამასახლისი და მისი თანაშემწეები დარბიან და იწვევენ ყველას კანცელარიაზე: „გუბერნატორი მოდისო“. „გრე ჩვენ რა“-ო, ამბობს ხალხი და ყურსაც არ ათხოვს მათ ქაქნს. კანცელარია-თან იკრიბება სულ 35-40 კაცი, უმთავრესათ მოხუცები. გუბერნატორი ცოფსა ყრის. „მე სტრატონიკები მტერი მახლავს, ვინმე გლახები შემხვდნო. რათ არ მოიკრიბა ხალხიო? მაზრის უფროსი გაფთხებული კბილებს აკრაქუნებს. გუბერნატორი ეკითხება ხალხს: „მითხარით, თუ რა მე გაჭირვება გაქვთ, მე წარმომიდგინეთ თქვენი სათხოვნელი და ყველაფერს აგისრულებთო. ხალხმა მოიფიტრა, მოილაპარაკა და მოახსენა: „სამელ-საქმელი წელს კარგათ მოგვივიდა, მხოლოდ მთავრობის მამასახლისი მოგვაშორეთ, მის ჯამაგირს ვერ გადავიხდითო და თუ შეიძლება, არაყის გამოხდის ნება მოგვეცით უბაჟოთო“. ასეთი გაბედული სიტყვები ვეღარ მოითმინა მონურ მოკრძალებით მოხსენებას შემჩვეულმა გუბერნატორმა და გულზე ცეცხლ-მოდებულმა შედრილა: „15 მამასახლისი უნდა დადგიყვნოთ თქვენ, ეგებ ამით მოქცვიანდეთო. თქვენ ყველა ბუნტოვშიკები ხართ, თქვენ ინახავთ სოციალისტებსო... თქვენ თუ კარგი კაცები იყოთ, თქვენ ცხვირ-წინ რომ კაცს თოფებდ დაუშინეს და დასკრეს, რატომ ყველა თავზედამსხმელი არ დაიჭირეთ და არ წარმომიდგინეთო“. (იქ წინა დღეებში დასკრეს შ-ძე, რომელმაც ერთი შეგნებული პირი მ-ძე მოკლა და შემდეგ პოლიციაში იმალე-ბოდა). „თუ სადმე ღინწულოაი დანა გავაჩნდა, ყველა წავვართვით და შეიარაღებულ კაცებს რაით უნდა შევხედროდითო. პოლიცია და დარაჯები აქ იყვენ, მარა ხმაც ვერ გასცესო“. მიუგეს გლეხებმა დამშვიდებით. ახლა-კი გუბერნატორის ბატონური გული სასხლით აივსა და ხალხს მუქარა დაუწყა: „თქვენ სულ ყველა საციმბირა ხართ, ყველას გადაგასახლებთო, სხვა საზოგადოებები მდლიერი მყავს, ყველას შემწეობას აღმოვუჩენ, თქვენ კი უმჯველათ გადაგასახლებთო“. „თუ მაგი გქონდა გულში, რაღათ გვიბარებდიო“! ჩილაპარაკეს გლეხებმა და გასწიეს თავ-თავიანთ სახლში. ყველა დაინტერესებული იყო, გავგო, რა მოხდა მეორე საზოგადოებაში რა ბედნიერება მიანიჭა გუბერნატორმა და როგორც-კი შეხვდნენ სხვა საზოგადოების კაცს, შეეკითხნენ: „ჩვენ ავცილო გუბერნატორმა, ყველგან კარგი ხალხია, თქვენ-კი უნდა გადაგასახლოთო, თქვენ რას დაგვირდათო“. „გადასახლება დაგვირდაო“, მიუგო მოკრით მოსულმა! აღმოჩნდა, რომ გუბერნატორი ყველგან ერთსა და იმავეს ამბობდა, სათითაოდ გადასახლებას ემუქრებოდა, რადგან დაყვავებით და დაამებით ვერსად ხალხის გული ვერ მიიზიდა...

მიზიგებაი სალდათობის და ომის წინააღმდეგ.

მოვიდა ახალი სალდათების გაყვანის დრო და სოფელიც შეინძრა. შეგნებულ მშრომელ ხალხს, რომელმაც დაინახა თავისი მოსისხლე მტერი მდი-

დრები და მათი მფარველი მეფე, არ სურს მათ სასამხუროთ გაგზავნოს თავისი დავაჯაცებული შვილები, ძმები, მეგობრები. თვითონ სასაღმთავროს, რომელთაც სულით და გულით სძულთ და ეზიზღებათ მშრომელი ხალხის მზავრელები, კიდევ უფრო არ სურთ მათი მსახურება. მათ არ სურთ იმ საპყრობილეში ჩაკლან თავისი ვაჟაცობა, რომელსაც ყაზარმას ეძახიან, და სადაც მხოლოდ თავისი მოძმის წინააღმდეგ თოფის სროლას და მეფისთვის სისხლის დაღვრას ასწავლიან. ესენი ერაზმით აცხადებენ პროტესტს მტარვალთა წინააღმდეგ. სალდათობა—მტერია ხალხის, გასახადებულებია მისი საცხოვრებლის, ხალხს არ სურს სალდათობა, რადგან მხოლოდ ის მდიდართა ბატონობის მცველია, მხოლოდ ხალხის დაზავების იარაღია. მაშ ძირს სალდათობა! მშრომელი ხალხი არ ომობს! მას უყვარს მყუდრო, მშვიდობიანი, ადამიანური ცხოვრება; მას ყველა ქვეყნის მუშა მოძმით ეგულება და ყველა ქვეყნის მუშა მას მოძმით უყურებს. რა აქვთ მათ საღავო, რათ უნდა ღვარონ ერთმანეთის სისხლი, ვისთვის უნდა ჟლიტონ ერთმანეთი! განა იმისთვის, რომ ერთ მუჟა მდიდრებს, კაპიტალისტებს და მეფეს ჯიბე გაუვსონ და ხალხზე მძიმე უღელი დაადებინონ? განა იმიტომ რომ ხალხის დაუძინებელი მტრები გააძლიერონ? მაშ, ძირს ომი! ასე ფიქრობს და ასე აზროვნობს მშრომელი ხალხი! და როცა მეფე თხოულობს მისგან ბეგარათ შვილების მიცემას—მკვახე პროტესტით უპასუხებს. ოზურგეთის მაზრაში ხალხის აღელვება უკიდურეს წერტილზე იყო მისული! ხალხს წყურთა მთავრობისთვის ზიზღის გამოთქმა აშკარად, გამოჩენილად; „როგორ ვემსახურო ჩემ მტარვალს, როგორ მოვიტონო მისი გარყვნილი ბრძანებლობა! არა, არ გავაღ სალდათათ!“ ასე ფიქრობდა სასაღმთავრო ახალგაზრდობის უმრავლესობა. მაგრამ რუსეთის რევოლუციონური მოძრაობის ინტერესები თხოულობდნენ, ასეთი მტკიცე უარი არ გამოცხადებულიყო, რადგან მას მხოლოდ ცუდი შედეგი მოყვებოდა. ამიტომ ადგილობრივი ორგანიზაცია წინააღმდეგი გახდა ასეთი სურვილის. გადაწყვეტილი იყო მხოლოდ პროტესტით დაკმაყოფილება, და რადგან თვითონ ოზურგეთში სადაც კენჭის ამოღება ხდება, მთავრობა დიდი ხნიდან მზით იყო და დემონსტრაციის მოწყობა შეუძლებელი შეიქნა, ამიტომ ისევ სოფლათ მიტინგები უნდა გამართულიყო. ასეთი მიტინგები კიდევ გაიმართა რამდენიმე ადგილას. ოზურგეთის რაიონში მიტინგებმა მშვიდობიანათ ჩაიარა. ხიდისთავისაში-კი აღტაცებულმა ხალხმა ვეღარ მოითმინა და რევოლუციონერები დაკლა, თუმცა გადაწყვეტილი იყო იარაღი არ ეხმარათ. აი როგორ მოხდა ეს: ერთი სოფლის მახლობლათ საღამოზე მოიყარეს თავი ახლო-მახლო სოფლის სასაღმთავრო ყმაწვილებმა, მოვიდნენ ბევრი გარეშენი, ქალი და კაცი. გაიმართა მიტინგი ჟინჯილების სინათლეზე. ჰაერში აფრიალებული წითელი დროშა ცეცხლის შუქზე სისხლის ფრათ ეღვარებდა. ხალხი აღტაცებით ისმენდა ორატორის მხურვალე სიტყვას, რომელიც შეეხებოდა ომს, მთავრობის მტარვალობას და სხვ. და თვალთ-კი დროშას, თავისუფლებისათვის საბრძოლველათ ამართულ დროშას მისწერებოდა. სიტყვის დასასრულ გაისმა ხალხის გრიალი: ძირს ომი! გაუმარჯოს თავისუფლებას! ამასთანავე აყარეს პატარა წითელი ფურცლები. მეორეთ და მესამეთ კიდევ ითქვა სიტყვა. დაშლისას ხალხმა ვეღარ მოითმინა და რევოლუციონერების ტაკ-ტაკით შეაძრია მთელი არე-მარე. პოლიციამაც შეიტყო ეს და... ხიდისთავსა და ლანჩხუთში ყაზახები ჩააყენეს, თუმცა არც ერთ მათგანში მიტინგი არ ყოფილა.

ქ უ თ ა ი ს ი.

გაქპრა ქუთაისის „მყუდროება“... ქუთაისშიც გაიღვიძა ის, რის შესრულებაც ვერ შესძლო ვერც **თავადაზნაურობის** ბანკამისი „ქვეყნის მსხნელი“ დონკიხოტებით, ვერც ქალაქის საბჭომისი „პატრიოტი“ **ვაჟაშვიტით**, ვერც თვით (თვით!) ისტორიულმა ბულვარმა მისი „**ინტელიგენტი-ინტელიგენტი**“, — ერთი დაკვრით შეასრულა სოციალისტურმა დროშამ, და მით ქვეყნისა ერთხელ კიდევ ემცნო, რომ მხოლოდ **ჩამოღობილი პროლეტარიატის** შეუძლ ან მიღწეული ცხოვრების გამოცოცხლება.

კვირას, 31 ოქტომბერს, სამხედრო საკრებულოს წინ ასამდე ქუთათურმა მუშამ შემოიერთა ხონელი სასაღმთავრო, გაშალა წითელი დროშა და ყოყინით ჩაიარა ბულვარამდე. აფრიალებული. დროშა, დროშის ქვეშ 120 მდე თავგამოდებული დემონსტრანტები, ურიცხვი ფურცლები და პრაკლამაციები *), რომლებიც პროტესტის დროს გამუწყვეტილ იფანტებოდა მარცხნივ და მარჯნივ, აღფრთოვანებული სახეები დემონსტრანტებისა და სასაზოგნო, ამღელვებელი ძახილი: ძირს სალდათობა (მილიტარიზმი)! ძირს მეფის თვითმპყრობელობა! გაუმარჯოს დამფუძნებელ კრებას! გაუმარჯოს რუსეთის სოციალ-დემოკრატიულ მუშათა პარტიას!.. ასეთი იყო სურათი ჩვენი დემონსტრაციისა. დემონსტრანტებმა საქვეყნო დაჰგმეს და უარჰყვეს ყველაზე პირველათ სალდათობა, ის სალდათობა, რომლის მიზეზითა იძულებულია ოთხ-ხუთ წლობით—და ხშირათ სამუდამოდაც—მოშორდეს თავის სამშობლოს დღევანდელი სოფლისა და ქალაქის ახალგაზრდობა, ის სალდათობა, რომელიც შეძლებას აძლევს თვითმპყრობელ მეფეს გარეთ თავისუფალი ერები დაიმონავოს და შინ მშრომელების სისხლი ღვაროს. და რადგან სალდათობის მოსპობა შეუძლებელია იქამდე, სანამ მეფის თვითმპყრობელობა არ მოისპობა, — ამიტომ დემონსტრანტებმა საქვეყნო დაჰგმეს და უარჰყვეს ეს თვითმპყრობელობაც. მხოლოდ მაშინ, როცა მეფის მთავრობას დავამხობთ და მის ადგილზე დამფუძნებელ კრებას ავარჩევთ, მხოლოდ მაშინ შეიძლება იმედი გვქონდეს, რომ სალდათობას ბოლო მოეღება. აი, რა უნდოდათ თქვათ დემონსტრანტებს, როცა ისინი ერთხმით გრიალებდნენ: გაუმარჯოს დამფუძნებელ კრებას! ვინ განახორციელებს ამ წმიდა მიზანს, ვინ დასცემს ძირს მეფის თვითმპყრობელობას? — მთელი რუსეთის პროლეტარიატი. ვინ გაუძღვება წინ ამ პროლეტარიატს, ვინ გაუნათებს ეზას? — რუსეთის მუშათა სოციალ-დემოკრატიული პარტია. სწორეთ ამიტომ იძახდნენ დემონსტრანტები: გაუმარჯოს რუსეთის მუშათა სოციალდემოკრატიულ პარტიას! და რადგან დამფუძნებელი კრებაც, მილიტარიზმის მოსპობაც და ჩვენი პარტიის გამარჯვებაც იმიტომმა საჭიროა, რომ სოციალისტურ ცხოვრებასთან დავაახლოვდეს, რადგან სოციალისტური მიზანი ჩვენი უმთავრესი მიზანია, — ამიტომ დემონსტრანტებმა წითელი დროშის ქვეშ, სოციალისტური დროშის ქვეშ მოიყარეს თავი. ასეთი იყო შინაარსი ჩვენი დემონსტრაციისა.

პოლიცია სრულიათ მოუშაღებელი შეხვდა დემონსტრაციას, ის არ ელოდა იმისთანა რამეს ქუთაისში, რის გამოც მთელი დღე რეტიანივით დარბოდა და ეძებდა ვის? — თითონაც არ იცოდა.

*) ორგანიზაციამ მოხერხებულათ სცნო პრაკლამაციასთან ერთათ გავრცელებინა დემოკრატიულ მოთხოვნათა ფურცელიც, რომ მით მოკლე პასუხი მიეცა საზოგადოებისთვის ზოგიერთ იმ საერთო კითხვებზე, რომლებიც უეჭველათ იზიდავდა ხალხმ დემონსტრაციის გამო.

საღლა როცით წაწყდა „ვილატებს“ და დი-
ქირა 7 კაცი (5 მუშა და 2 ინტელიგენტი). სამა-
გიეროთ მეორე დღეს სრული ნიშნები გამოჩნდა
„მზადებისა“. სმაგინ-ფაშა გასცა თურმე ბრძანე-
ბა: შეკრბეთ ყაზახები, მიეცით თვითმპყრობელო-
ბის ბაირალი და უთხარით—სიმღერით შემოიარონ
ქუთაისიო, — ვითომდა ახლა ჩვენი ჯერიაო! საცო-
დავები! ასე უნდოდათ წაეშალათ მოქალაქეთა ხსო-
ვნაში ის შთაბეჭდილება, რომელიც მიიღეს მათ
რევოლუციონერთა დემონსტრაციისგან! მაგრამ
ამათ! ყაზახების გამხეცებული სახე საკმაოდ ამ-
ტყუებდა, რომ ისანი ძალ-მომრეობასა და გარყე-
ნილებას ფსახურებია. საკვირველი არაა, ამიტომ,
თუ ყაზახების „დემონსტრაცია“ მხოლოდ დაცინ-
ვასა და ზიზღს იწვევდა მაყურებლებში, რა თქმა
უნდა, ზოგიერთი მეფის ლაქების გარდა. აქაურ
მუშებს სრული უფლება აქვთ გამარჯვება ილდესას-
წაულონ.

თ უ ი ლ ი ს ი.

იარაღოვის ძარხანა. მეტათ აუტანელი შრო-
მის პირობებია ამ ქარხანაში. შევირდებს მთელი
თვეობით ამუშავენ უქირაოთ. გაუტყდებოდა
ვინმეს იარაღი და ისედაც მცირე ქირიდან ურიც-
ხვდენ. არავითარ დახმარებას და სასყიდლოს არ
აძლევდენ მუშაობის დროს დაშავებულ მუშას. ჯა-
მაგირს ყოველთვის მუშაობის გათავების შემდეგ
იღებდენ. თუ ვინმეს უკმაყოფილებას შეატყობდენ,
ხელათ ითხოვდა ქარხნის ადმინისტრაცია სამუშაო-
დან. გასულ წელს რამდენიმეჯერ მოხდა ამ ქარ-
ხანაში გაფიცვა, მაგრამ ყოველთვის მუშების და-
მარცხებთ გათავდა.

16 ოქტომბერს გაიფიცენ შევირდები. საუზ-
მის შემდეგ ისინი შეიკრიბენ კანტარის წინ და მო-
ითხოვეს ქარხნის მმართველი. ისიც გამოცხადდა...
შევირდებმა ჯამაგირის მომატება მოსთხოვეს. გან-
რისხებულმა მმართველმა ყურადღებაც არ მიაქცია
მათ მოთხოვნებს და ასეთი პასუხი გასცა: „თუ
არ გინდათ მუშაობა, შეგიძლიათ ყველანი წახვიდე-
თო. ამის შემდეგ შევირდებმა დაუყოვნებლივ
დაყარეს იარაღები და გამხნეებული გავიდენ გა-
რეთ. შევირდებს მეორე დღეს ქარგლებიც მიემატა.
თუმცა ისინი ჯამაგირის მომატებას არ თხოულო-
ბდენ, მარა შევირდებთან სოლიდარობის გამოსა-
ცხადებლათ გაიფიცენ. და როდესაც ქარხნის ად-
მინისტრაციამ წინადადება მისცა, — იმუშავეთო, იმათ
ერთხმით განუცხადეს: „არ ვიმუშავებთ, სანამ შე-
ვირდების მოთხოვნილება არ იქნება დაკმაყოფილე-
ბულიო“. ამ ნაირად მუშაობა შეწყდა ქარხანაში.

ორშაბათს საღამოს (გაფიცვა პარასკევს დილი-
დან დაიწყო) მოვიდა საფაბრიკო ინსპექტორი. შე-
ვირდები ყველანი ქარხნის წინ იყვნენ თავ-მოყრი-
ლი. მან მიმართა გაფიცულებს და ჰკითხა თუ რას
თხოულობდენ. იმავე წამს ხალხიდან ერთმა შევირ-
დმა მიაწოდა ქაღალდზე ჩამოწერილი მოთხოვნილე-
ბები: 1) ახალ და ღონიერ შევირდს პირველ თვე-
ში მიცემოდა დღეში 20 კ. შემდეგ-კი მომატებო-
და ყოველ თვეს თითო შაური; 2) მოისპოს შტრა-
ფები და გატეხილი იარაღების ფასის მუშის ქირი-
დან გამოკლება; 3) მუშაობის დროს დაშავებულ
მუშას მიეცეს ნახევარი დღის ხელფასი; 4) ჯამაგი-
რი მუშაობის დროს დარიდეს; 5) გაფიცვის მეთა-
ურები სამუშაოდან არ დაითხოვონ. ინსპექტორმა
ჩაიკითხა მოთხოვნილებები და უთხრა: ყველა ეს
დათმობილი იქნება, მხოლოდ ხვალ ყველამ გამო-
დით სამუშაოზე, და თუ ქარხნის ადმინისტრაცია
არ დაგაკმაყოფილებს თითო კაცზე 100 მანეთ ჯა-
რმის დავადებო. მუშები არ ენდენ ინსპექტორმა
„პატრონის სიტყვას“ და მოსთხოვეს, რომ ქარხა-
ნაში გამოეკრათ განცხილება, რომ ქარხნის უფრო-

სი აკმაყოფილებდა მათ მოთხოვნილებებს. მეორე
დღეს ყველა სამუშაოთ გამოვიდენ, მარა განცხა-
დებაში არ იყო ყველა მოთხოვნილებები მოხსენე-
ბული. მუშებმა კვლავ დაყარეს იარაღები და ქარ-
ხანა დასაღიერდა. ოკოლოდორჩიკი ხელათ გან-
და. მოიწვიეს ჯაშუშებიც; ბოქაული იბარებდახან
ერთ მუშას და ხან მეორეს და ურჩევდა რომ გაე-
ცათ ამხანაგები და მუშაობა დაეწყათ. ჟანდარმა
წერილით მიმართა ქარხნის უფროსს: — მოთხოვნი-
ვების მეთაური და მე მაგათ დავაცხრობო. ქარხნის
ადმინისტრაცია უპასუხა: — ეგ არაფერია, მაგისტანა ბუნ-
დობია აქ ბევრჯერ ყოფილა, მარა მიხანს არ მიუ-
ღწევიათო. ხვალ თვითონვე მოვლენ და შემეხე-
ვებიათ მამუშავეო. იმას იმედი ჰქონდა, რომ შა-
ბათს, — ფულის აღების დროს დაიწყებენ მუშაობას,
როგორც ეს წინეთ ყოფილა ხოლმე. მაგრამ ესლა
იმედი გაუტრუვდა მას: შაბათს ყველა გამოცხადდა,
მუშაობის დაწყებას კი არავინ ფიქრობდა. ქარხნის
ადმინისტრაცია ეხლა-კი დარწმუნდა რომ მუშები
არ ხუმრობდენ და დააკმაყოფილა ისინი.

ორშაბათს მუშაობა დაიწყო — გაფიცვა გაგრ-
ძელდა 10 დღე. გაფიცვამ ყველა მუშებზე დიდი
შთაბეჭდილება იქონია. აგიტაციებზე ხალხი ბლო-
მათ მოდიოდა.

ზორი (ტფილისის გუბ.). გლეხთა მოძრაობამ
კავკასიაში უკვე მკვიდრი ნიადაგი მოიპოვა. 1902
წ. გურაის გლეხების აგრარული მღელვარება დღეს
მთელ მოძრაობათ გადაიქცა. გლეხების კონსერვა-
ტიული „ბუნება“ ამუშავდა. თურმე მასაც შესძ-
ლებია მძარცველთა და მყვლეფელთა წინააღმდეგ
ბრძოლა, მას შესძლებია არა მარტო მემამულეები-
სა და სამღვდლოების წინააღმდეგ ბრძოლა, არა-
მედ „ორთავიან არწივის“ თვითმპყრობელობასა-
ნაც. ქალაქის მუშასთან ერთად მანაც შეიგნო დღეს
პოლიტიკური თავისუფლების საქმეობა და ისიც
ებრძვის თვითმპყრობელობას. მასაც ვხვდებით ჩვენ
სხვა პოლიტიკურ დანაშავეთა შორის, ისიც გამო-
დის დემონსტრაციებზე და აშკარა პროტესტს უც-
ხადებს ეხლანდელ პოლიტიკურ რეჟიმს, ცივი ციმ-
ბირის კარები მისთვისაც გაიღო ერთი სიტყვით,
რაც იყო, ის აღარ არის. თვითმპყრობელობის იმე-
დი ამ მხრითაც გაცრუვდა — სოფელში, ამ რეაქციის
საბუღარმაც-კი გამოიღვიძა და გლახა „სიურპრი-
ზებს“ უკეთებს მეფეს მთავრობას. მაგრამ თვით-
მპყრობელობას კადევ ჰქონდა იმედი, სანამ გლეხი
მას აძლევდა მორჩილ სალდათს ამავე გლეხებისა
და მუშების წინააღმდეგ. მარა დახეთ უბედურება!
ამძრავებულმა სოფელმა ადგილით შეამჩნია რომ
თვითმპყრობელობა მემამულეებთან და სამღვდე-
ლოებასთან ერთად სხაგრავდა და ფეხ-ქვეშ სთელა-
ვდა მას და, რაც უფრო საგულისხმოა, ყველა ამას
ის წაღოდა ხალხისავე საშეალებით, — სალდათის
შემწეობით, რომელიც თვით ამ მუშებისაგან, ამ
გლეხებიდან გამოსულიყო. საჭირო იყო შეგნების
გზაზე კიდევ ერთი ნაბიჯის წინ წაღება, — რომ
გლეხს პროტესტი განუცხადებია სალდათობის წი-
ნააღმდეგ — და ამითი დაეკვირვინებია თავისი პო-
ლიტიკური მომზადება.

მოხდა ახალ სალდათების დემონსტრაციები გა-
სულ წელს: გურიაში, ბათუმში და სიღნაღში. წე-
ლსაც, მიუხედავად იმისა, რომ თვითმპყრობელობა
ცდილობდა, ხალხში გამოეწვია პატრიოტული აღ-
ტაცება, — მის წინაშე კვლავ დგას შეგნებული ქა-
ლაქისა და სოფლის მუშები — „კრამოლი“ მაინც
მკინეზარებს და მეფის ცდა ამათ რჩება.

7 ნოემბერს კენჭის ამოღების დროს მოხდა
ახალ-სალდათების დემონსტრაცია? გარდა სალდა-
თებისა გარეშე ხალხმაც მიიღო მონაწილეობა. ხა-
ლხის ერთმა ჯგუფმა ადგილობრივ პოლიციის თვალ-

წინ აღუშვა წითელი დროშა წარწერით: „ძირს თვითმპყრობელობა! გაუმარჯოს თავისუფლებას! ძირს კაპიტალიზმი და ომი! გაუმარჯოს სოციალიზმს!“. და გაუმარჯოს მშრომელ ხალხს, ძირს თვითმპყრობელობას ყვირლით გაიარეს რამდენიმე ქუჩა. მაივრობა-კი პირდაღებული შეცქეროდა დემონსტრანტებს და მხოლოდ მაშინ, როდესაც დემონსტრაცია გათავდა და ხალხი დაიშალა, დაიწყო „ბუნტოვნიკების“ ძებნა. ხელათ აფრინეს თფილისში ტელეგრაფი—გვიშველეთ „ბუნტი“ დაიწყო, ქალაქი ინგრევო. გაჩნდა მარტინოვი და შეუღდენ გამოძიებას... მარა ვერაფერს მიაგნეს. დემონსტრაციამ ხალხზე დიდი გავლენა იქონია, ხმა გავარდა „ჯანყი“ დაიწყო.

განზრახული იყო აგრეთვე დემონსტრაცია მომხდარიყო სურამში, მაგრამ სხვა-და-სხვა მიზეზების გამო არ მოხდა. რამდენიმე კრებები და მიტინგება მიიწვი გაიმართა და თბილისის კომიტეტის მოწოდება გაერცვლდა. საზოგადოთ, ახალ საღდათებში დიდი უკმაყოფილებაა. „მივდივართ, მარა ვნახოთ, თუ რას გამოგვჩვენებინაო“ იძახდენ.

წერილი რუსეთიდან.

სარკოზი. მინისტრის გლაზოვის შეხვედრა. 1-ლ ნოემბერს მოვიდა აქ სახალხო განათლების მინისტრი გლაზოვი. უნივერსიტეტში მას პედლეგების და ცალაერ დარბაზის მეტი არაფერ შეხვედრა. ჩვენ, სტუდენტებმა, გადაწყვიტეთ შესაფერისად შეხვედროდით თვითმპყრობელობის წარმომადგენელს, —გადაწყვიტეთ იმ დღესვე მოგვეხიზინა დემონსტრაცია. 400-მდე კაცი შევიკრიბეთ უმთავრეს ქუჩაზე (სუმსკაია), თეატრის წინ. სტუდენტები იქნებოდა 2*ოლოდ 100-მდე, დანარჩენი მუშები და

სხვა პროფესიის ხალხი იყო. გაიშალა წითელი დროშა და „დუბინუშკის“ სიმღერით გავიარეთ ქუჩაზე. უცებ თავს დაგვეცა ქვეითი და ცხენოსანი დარაჯები და ჩვენ იძულებული შევიქენით დავშლილიყავით. მაგრამ კიდევ უფრო მეტი ხალხი შეიკრიბა მეორე დიდ ქუჩაზე (მოსკოვის ქუჩაზე) ისევ ააფრიალეს რევოლუციონური დროშა და გავემართეთ ქუჩაზე სიმღერით. გზაზედ ბევრი ხალხი შემოგვიერთდა; ამგვარათ, დიდ-ძალი ხალი მოგროგდა. ქუჩაზე მისვლა-მოსვლა შეწყდა: კონკა დადგა, ვინც-კი შეგვხვდებოდა ქუჩაზე — ქალი თუ კაცი, მოხუცი თუ ახალგაზდა—ყველას ვაჩერებდით. ამ გვარათ რევოლუციონური სიმღერით გავიარეთ მთელი ქუჩა და ისევ უკან მოვბრუნდით. მაგრამ აქ... ჩემს დღეში, არ დამევიწყებია ის, რაც აქ მოხდა. დაგვესია 800 ცხენოსანი კაზაკი, და დაიწყო საზიზღარი სურათი... გამხეცვებული კაზაკები შეიქრენ ხალხში ხმალ-ამოღებულები, ჩხედენ მარცხნივ და მარჯვნივ, სცემდენ მათარხებით; ისმოდა ქალების შემაძრწუნებელი კივილი; ბევრი იმათგანი თმით ათრიეს; ისმოდა გულ-გასახეთქი ყვირილი დაქრილებისა და დაშავებულების, რომლებიც შევლას თხოულობდნენ... არ მეგონა, თუ იქიდან ცოცხალი გამოვიდოდი; ორჯელ დავეცი, მეგონა ცხენები გამკყლედნენ, მარა ისინი კაცზე უფრო შემბრალებ აღმოჩნდნენ; გამოვედი მხოლოდ მსუბუქად დაშავებული. ასე დასრულდა მეფის მხეცი მსახურების „საქმე საგმირო“!.. ქუჩაზე აღარავინ ქაჩანებდა, დატყვევებულები ცოტა იყო, ისინიც მხოლოდ დაქრილები და დაშავებულები, რომლებიც ძალ-გამოღებული მიწაზედ ეცემოდნენ... გლაზოვი-ამ ამბის შემდეგ, მეორე დღესვე გაიპარა ხარკოვიდან.

კავშირის კომიტეტი.

ანგარიში ბრძოლის კასისა ბათუმის კომიტეტ. რ. ს.-დ. მ. პარტიისა.

მ. ვ. მ.	გ ა ს ა მ ა ლ ი.								
	შეიკრიბ. 1 იანვრი-სათვ. დარ. 1485 მ.55 კ.	ცენტრ. კომიტეტ.	კავშირის კომიტ.	ადგილობ. ხარჯი	წითელი ჯვარი	მებრძოლ. ორგანიზ.	პროფეს. მებრძოლ.	სულ ხარჯი.	დარჩა.
იანვარი	575—68	99 მ. 77 კ.	200 მ.	452—95	37 მ. 35 კ.	—	—	790 მ. 7 კ.	1271—60
თებერვ.	616—32	—	200 „	361—48	73 „	—	—	634—48	1253 მ.
მარტი	480—35	41 მ.	200 „	491—94	60 „	—	—	792—94	940—41
აპრილი	761—77	100 „	200 „	338—13	43—60	—	—	681—13	1020—45
მაისი	862—51	43 „	200 „	423—31	60 „	43 მ.	43 მ.	994—56	1407—06
ივნისი	1330—97	65 „	200 „	599—56	—	65 „	65 „	994—56	1407—06
ივლისი	1365—92	68 „	200 „	552—70	30 „	68 „	68 „	986—70	1786—28
აგვისტო	1390—35	60 „	200 „	567—59	—	60 „	60 „	947—59	2229—04
სულ	8869—42	476—77	1600 —	3787—66	303—95	236 მ.	236 მ.	6640—38	2229—04

ანგარიში წითელი ჯვრის გათუმის კომიტეტისა რ. ს.-დ. მ. პარტიისა.

თ ვ ე.	ზ ე მ ო ს ა ვ ა ლ ი.			გ ა ს ა ვ ა ლ ი	დ ა რ ჩ ა.
	ნომრებით.	ბრძოლის კას.	ს უ ლ.		
დეკემბერი და იან.	282 მ. 11 კ.	37 მ. 35 კ.	319 მ. 46 კ.	245 მ. 96 კ.	73 მ. 51 კ.
თებერვალი	64 ,, 30 ,,	73 ,,	137 ,, 30 ,,	133 ,, 52 ,,	77 ,, 29 ,,
მ ა რ ტ ი	95 ,, 20 ,,	60 ,,	155 ,, 25 ,,	168 ,, 69 ,,	63 ,, 85 ,,
აპრილი	149 ,, 44 ,,	43 ,, 60 ,,	193 ,, 04 ,,	156 ,, 10 ,,	100 ,, 79 ,,
მ ა ი ს ი	210 ,, 85 ,,	60 ,,	270 ,, 85 ,,	149 ,, 75 ,,	221 ,, 89 ,,
ივნისი	762 ,, 99 ,,	—	762 ,, 99 ,,	761 ,, 40 ,,	223 ,, 48 ,,
ივლისი	180 ,, 25 ,,	30 ,,	210 ,, 25 ,,	200 ,, 80 ,,	232 ,, 93 ,,
აგვისტო	171 ,, 34 ,,	—	171 ,, 34 ,,	292 ,,	112 ,, 27 ,,
ს უ ლ	1916 ,, 48 ,,	303 ,, 95 ,,	2220 ,, 48 ,,	2108 ,, 21 ,,	112 ,, 27 ,,

საზოგადოებაში გავრცელებული ხმა, ვითომ X-ის სომხის სემინარიაში მასწავლებლათ ნამყოფი პროვოკატორია, ყოველგვარ სიმართლეს მოკლებულია.

ჩვენ ვაცხადებთ, რომ მისამ ჩორუშიანსი, რომელიც „პროლეტარიატის ბრძოლის“ ფურცლის № 10—11-ში ჯაშუშათ იყო გამოცხადებული, არ არის ჯაშუში.

სტამბა კავშირისა.

